

Date – 28/01/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

- 1. Mizoram Budget Session chu thla thar ni 19 a tan a ni dawn.**
- 2. Chief Minister hlui, MNF President Pu Zoramthangan vawiin khan Governor Gen (Dr) VK Singh chu Raj Bhavan-ah a kawm.**
- 3. Prime Minister Narendra Modia chuan tukin hian Utkarsh Odisha, Make-in-Odisha Conclave a hawng.**
- 4. Vawiin tlai khan National Games vawi 38-na chu Dehradun-a Maharana Pratap Stadium ah Prime Ministerr Narendra Modia'n a hawng.**



BUDGET SESSION

Mizoram Budget Session chu thla thar ni 19 a tan a ni dawn.

Session kohna hi Governor Gen Rtd (Dr) Vijay Kumar Singh-a'n vawiin khan tichhuakin, session neih hun chhung tur leh neih dan tur te chu Assembly Business Advisory Committee –in a la rel ang.



CM

Chief Minister Pu Lalduhoma'n hmasawna hna tam zawk thawk thei turin state own revenue tam zawk an mamawh thu a sawi.

Chief Minister chuan a social media Instagram account kalflangin he thu hi sawiin State sawrkarin sum fai tum tur a neih chuan central pawisa a hailuh theih a ti a, Central scheme tam zawk chu sawrkar laipui leh state sawrkar te intum sem thin ani tih sawiin central in za zela 90 a tum a, state sawrkarin za zela 10 a tum thin tih a sawi.

Chief Minister dan anga chhiah lakkhawm chu hmasawna ke chheh hmasa a ni a ti a, Sawrkar sum hnar chu chhiah a ni tih sawiin an sawrkar hnuah chhiah lak khawm lamah hma an sawn hle a ti a, Hmasawn zel theihna remchang tam tak a la awm tih sawiin theihtawp chuah zel an tum a ti a, Chak lehzuala ke an pen theih nan Taxation Department chu an thum tha mek tih a sawi bawk.



EX CM MET GOVERNOR

Chief Minister hlui, MNF President Pu Zoramthangan vawiin khan Governor Gen (Dr) VK Singh chu Raj Bhavan-ah tlawhin an inkawm a.

He hunah hian Pu Zoramthanga chuan Governor hi duhsakna a hlan a. Mizoram tana pawimawh leh tul hrang hrangte an sawidun a ni.

Vawiin vek khan 23 Sector Assam Rifles DIG Brig Girish Upadhyia leh Director & Head Meteorological Centre, Aizawl Pu Sudheer Kumar Dwivedi ten Governor hi an kawm bawk a ni.



FIRE

Mizoram Fire and Emergency Services-te chhinchhiah danin nikum 2024 chhungin Mizoram chhungah kangmei tum 113 a chhuak.

Fire and Emergency Services hotuten Akashvani News-an hriih danin nikum chhung khan ram kang hmun 45-ah a awm a , in kang 40 awmin lirthei leh leh thil dang kang 28 a awm a, kangmei chhuak avang hian mi pakhatin nunna a chan a ni.

Akashvani correspondent zawhna chhangin Fire and Emergency Services hotute chuan nikum chhunga kangmei chhuak avanga bungrua leh in kang ral hlutna chu a vai a chhutin, cheng nuai za kua sawmli pahnih, sing hnih sang li leh za thum sawmhnih pahnih a nih thu an sawi bawk.

VOICE CAST : Mizoram Fire and Emergency Services hotute chuan kangmei laka kan him tlan theihna atan mitin ten in chhuahsan hma leh zan mut hma in kangmei ti chhuak maithei thil a awm leh awmlah enfel hmasak ziah a pawimawh thu te, eirawngbawlina gas hman kawngah gas leak hmang lui lova regulator off ziah thin a pawimawh thu te, parda thosilen leh puan zar bul hnaiiah mombati chhih loh a him ber thute bakah kangmei tichhuak thei tuialhtheite fimkhur taka hman a mei bul hnai a dah loh tur leh a dahna bur phui taka chhin that a pawimawh thu te an sawi bawk.

John Vanlalchhuanga, Akashvani, News Aizawl.



HEROIN SEIZED

Tukin dar 7:30 khan Champhai Police ten Chalbawiha Junction Police Check Gate ah Heroin ni ngeia hriat Gram 429, Sahbawn bawm 39 a thun leh a neitu an man.

Champhai Police ten ruihhlo neitua puh an man hi Ali Hussain Laskar Kum 28 mi niin Hailakandi District, Assam a mi a ni a, ruihhlo a phurhna Truck pawh hren nghal a ni a, vawiinah Champhai District Court ah hruaiin District Jail ah khung a ni.

Champhai Police Check Gate a duty te hian an thudawn bawhzuiin lirthei hi an lo enfiah a, Driver leh a kianga mi thutna hnung lam, Motor Body siam danglam chhung atangin Heroin thi man niin an ruihhlo man hlut zawng hi tunlai rate in Cheng Nuai sawm pahnih, sing riat leh sang sarikh hu a chhut a ni.



MIZORAM TURMERIC DATA

Mizoram chhungah kum 2024 chhungin aieng quintal 7817 leh kg 155 chin a ni a, quintal 81,609 leh kg 9 thar chhuah beisei a ni.

Agriculture Department chhinchhiah danin Mizoram chhunga aieng chinna atan hian ram acre 4282 leh bigha 6 hman a ni a, Mizoram pum anga chhutin chhungkaw 3415 ten ai eng hi an ching a ni.

Mizoram district hrang hrang zingah aieng hi Kolasib District-a chhungkaw 449 te chuan quintal 637 leh kg 64 an ching a, quintal 4749 leh kg 8 thar chhuah beisei a ni a, Saitual District a chhungkaw 299 te pawhin aieng hi quintal 486 leh kg 81 an chin bakah quintal 2801 leh kg 2 thar chhuah beisei a ni bawk.

Mizoram chhunga district paruk Champhai, Siaha, Serchhip, Lawngtlai, Mamit leh Khawzawl ah te chhungkaw 1158 in ai eng quintal 2,115 leh kg 23 an chinah quintal 42,970 leh kg 88 thar chhuah beisei a ni bawk.

Voice Cast : Juliana Lalmanpuii

Mizoram chhunga a district ang zawnga aieng ching hnem ber chu Lunglei district an ni a, Lunglei district chhungah hian chhungkaw 892 ten aieng quintal 3,565 leh kg 18 an chinah quintal 23,368 leh kg 51 thar chhuah beisei a ni a. aieng ching tlem ber distict chu Hnanthial District niin chhungkaw 70 ten aieng quintal 103 leh kg 85 an chinah quintal 521 tharchhuah beisei a ni bawk.

<><><>

SERICULTURE DEPARTMENT REVIEW MEETING

Sericulture Secretary Pi Florence Zotluangpuii hovin vawiin khan Sericulture Department a thawk Officer ten Silk Samagra 2 hnuiaia project an thawh mek chungchang sawiho in Sericulture Training Institute Conference Hall ah an thukhawm.

He review Meeting hi Secretary in a kaihruai a, Director Pu V. Zothansanga chuan kum 2024 atanga kum 2025 chhunga Department hmalakna leh hlawhtinna hrang hrang a sawi bakah district hrang hrang atanga report ngaihthlak a ni a, hmasawinna tura hmachhawp hrang hrang sawiho a ni bawk.

Sericulture Department hnuiaia Project thawh mekte hi Silk Samagra 2 Scheme hnuiaia mi niin kumin 2025 chhunga thawh zawh tura ruahman a ni a, Secretary Pi Florence Zotluangpuii chuan thawktu Department officer te chu fuih tharin Project hrang hrang te hlawhtling taka thawh anih theih nana tan la thar tura chah in Mizoram sawrkar flagship program Bana Kaih a hlawhtlin ngei theih nana theihtawp chhuah turin a chah a ni.

Thutkhawm zawhah hian Sericulture Department Secretary Pi Florence Zotluangpuii hian STI Zemabawk-a pangang chi siamna hmun leh Reeling & Spinning Factory a tlawh nghal a ni.

<><><>

AIR NEWS ON SOCIAL MEDIA

Chanchintha hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchintha hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchintha puan leh a ni ang.

<><><>

UTKARSH ODISHA

Prime Minister Narendra Modia chuan tukin hian Utkarsh Odisha, Make-in-Odisha Conclave a hawng. Odisha khawpui Bhubaneswar-a Janata Maidan-ah hawna inkhawm hi hman a ni a. Thusawin Prime Minister Modia chuan India khawchhak lam chu ram hmasawna nawr kalta a nih thu sawin Odisha chuan heng hmasawnaah hian a thawhhlawk hle a ni a ti.

Utkarsh Odisha hi khawvel huap sumdawna lama intawhkhawm Global Investment Summit a ni a. Odisha sawrkar chuan an state chhunga sumdawna leh sum peipunna lam tihmasawn tura hma a lakna a ni. Hawna inkhawmah hian Odisha Chief Minister Mohan Charan Majhi, Union Ministers Jai Prakash Narayan, Dharmendra Pradhan leh Aswini Baishnaw-te an tel a ni.

<><><>

NATIONAL GAMES

Vawin tlai khan National Games vawi 38-na chu Dehradun-a Maharana Pratap Stadium ah Prime Minister Narendra Modia'n a hawng.

Mizoram Olympic Association (MOA) hruaitute hnen atanga Akashvani News Aizawl thu dawn dan chuan, Mizoram atangin infiammi 66 leh team enkawltu (coach/manager) 20 leh Contingent Official 4, an vaiin mi 90 an tel a ni.

Tun tum inelnaah hian medal awmna discipline 32 leh infiamna enchhin 'Demonstration Sports' 4 a awm. Mizoram chu discipline 11-a tel turin an tling a, chungte chu - athletics, archery, boxing, cycling, football (mipa), hockey (hmeichhia), judo, taekwondo, weightlifting, wrestling leh wushu te an ni a. Heng bakah hian wildcard hmangin aquatics-ah Mizoram hi an tel bawk.

Ruahan dan chuan National Games hi February 14 thleng neih a ni dawn a, ramchhung hmun hrang hrang atangin infiammi 11,340 vel an tel tura beisei a ni.

<><><>

UP

Uttar Pradesh-a Bhagwan Adinath Nirvana Laddu Festival-a dawhsan chimah mi 5 aia tlem lo an thi a, mi 40 chuangin hliam an tuar. Thudawn danin sakhaw thila intawhkhawmnaah hian dawhsanah hian a dawl zawh aia tam mipui an lawn avangin a chim a. Hemi hnu hian mipui chia chu an inpawngnek tak avangin vanduaina hi thleng ta a ni a. Bhagpat District Magistrate Asmita Lal chuan mi 5 ahmunah an thih thu leh mi 40 chuang hliam tuar an awm thu sawin Baraut khaw damdawiinah dah an ni a ti a.

**Chief Minister Yogi Adityanath chuan chhanchhuah hna leh
chhawmdawl hna ngawrh taka thawk turin thuneitute a hriattir nghal a ni.**

